

唐  
音  
統  
籤

丁籤一百三十五

唐音統籤卷

五百四十四

王起字舉之揚州人宰相播之弟貞元十四年進士第又登制策直言極諫科累官尚書左僕射終山南西道節度使起書無不讀一經自弗忘文宗引之講論經史授莊恪太子經武宗嘗獎其博學三典貢舉皆得人集一百二十卷宋志亡今存詩一卷

和李校書雨中自秘書省見訪知早入朝使入

集賢不遇詩

有序時起為監察御史集賢直學士李校書德祐也

起頃任集賢校書及升栢堂又與秘書閣相對今直書張學士嘗忝同幕而與秘書稍遠故瞻望

詞

台庭才子來款扉興校初從天祿歸已慙陋巷迴  
玉趾仍間細雨占絲灰詰朝始趨鳳闕去此日遂  
歎難泰違憶昨謬官在烏府喜君對門討魚魯直  
廬相望夜每闌高閣遙臨月時吐昔聞三入承明  
廬今來重入中秘書校文復忝丞相屬博物更與  
張侯居新冠峨峨不變鐵籀泉脉脉猶在渠忽枉  
情人吐芳訊臨風不羨潘錦舒憶見青天霞未卷  
吟翫瑤華不知晚自憐豈是風引舟如何漸與蓬  
山遠

貢舉人謁先師聞雅樂

藹上觀光士來同鵠鷺群  
鞠躬遺像在稽首雅歌  
聞度曲飄清漢餘音過曉  
雲西楹淒已合九仞杳  
難分斷續同清吹洪纖入  
紫氛長言聽已罷千載  
仰斯文

濁水求珠

行潦沉明月光輝也不浮  
識珍能洞鑒精寶

一作意

此來求幾被泥沙雜常隨  
混濁流潤川終自媚照  
乘且何由的皪終難掩  
晶熒願見收蛇行無脛至  
飲德已聞酬

和周侍郎見寄

會昌三年起二典舉場百侍  
郎擇時判華州以詩賀之起

回答和云云門  
生也皆有和

貢院離來二十霜誰知更忝主文場楊葉縱能穿  
舊的桂枝何必愛新香九重每憶同僊禁六藝初  
吟得夜光莫道相知不相見蓮峯之下歆微黃

附

韋式郎中

范克佐道士

魏扶

見已籤

餘人同籤並有某

自一言至七言詩

樂天分司東都起興朝賢  
患會興化亭送別酒酣各

賦一字至七字  
詩以題為韻

花

王起

花點綴分葩露初裏月未斜一枝曲水千樹山家  
戲蝶未成夢嬌鶯語更誇既見東園成徑何殊西  
子同車漸覺風飄輕似雪能令醉者亂如麻

月

李紳

月光輝皎潔耀乾坤靜空闊圓滿中秋翫爭詩哲  
玉兔鏑難穿桂枝人共折萬象照乃無私瓊臺豈  
遮眉謁抱琴對彈別鶴聲不得知音聲不切

山

令狐楚

山聳峻回環滄海上白雲間  
商老溪尋謝公遠攀  
古巖泉滴々幽谷鳥閑々  
樹島西連隴塞猿聲南  
徹荆蠻世人只向簪裾老  
芳草空餘麋鹿閑

茶

元稹

茶香葉嫩芽慕詩客愛僧家  
碾碓白玉羅織紅紗  
鉤煎黃葉色碗轉麴塵花  
夜後邀陪明月晨前命  
對朝霞洗盡古今人不倦  
將知醉後豈堪誇

愁

魏扶

愁迴野溼秋生枕上起  
眉頭閨閣危坐風塵遠  
迤已猿啼不住谷水咽  
還流送客泊船入浦思  
鄉望

月登樓烟波早晚長羈旅絃管終年樂五侯

竹

韋式

竹臨池似玉裛露靜和烟綠抱節寧改貞心自東  
渭曲偏種多王家看不足仙杖正驚龍化美實當  
隨鳳熟唯愁吹作別離聲回首駕驂舞陣連

花

張籍

花落早開餘對酒客興詩家能迴游騎每駐行車  
宛宛清風起茸上麗日斜且願相留懽洽惟愁虛  
景光華明年攀折知不遠對此誰能更嘆嗟

書

范堯佐



書憑鴈寄魚出王屋入匡廬文生益智道著清虛  
葛洪一萬卷惠子五車餘銀鈎屈曲索靖題橋司  
馬相如別後莫睽千里信數封緘送到閑居

詩

白居易

詩綺美瓌奇明月夜落花時能助懽笑亦傷別離  
調清金石怨吟苦鬼神悲天下只應我愛世間惟  
有君知自從都尉別蘓句便到司空送白辭

會昌春連宴即事聯句

元年寒食日上巳暮春天雞黍三家會鶯花二節  
連居易風初淡蕩美景漸暄妍簪組蘭亭上車輿

曲水邊

錫

松聲添奏樂草色助鋪筵  
雀舫宜閒泛

螺杯任漫傳

起

園蔬香帶露  
厨柳暗藏烟  
麗句輕

珠玉清談勝管絃

居

陌喧金距  
園樹動絲繩  
懸婉

女粧梳艷遊童衣服鮮

錫

圃香知種蕙  
池暖憶開

蓮恠石雲疑觸天  
桃火欲燃

起

正歡唯恐散  
雖醉

未思眠  
嘯傲人間世  
追隨地上仙

居

燕來雙  
涎

鴈去累翩

上

行樂真吾事  
尋芳獨我先

錫

滯周慙

太史

太史公留滯周南  
今榮示怨古人矣

入洛繼先賢

此言劉白

聲

長  
昔恨多分手  
今歡謬比肩

起

病猶陪  
讌飲老更

奉周旋  
望重青雲客  
情淡白首年

居

遍嘗珍饌後

許入畫堂前舞袖翻紅炬軟鬟揷寶蟬錫為斷金多

感激倚玉貴遷延說史吞顏注論詩笑鄭箋起松

筠寒不變膠漆冷彌堅興伴王尋戴謂隨僕射崇

同隗在燕居易擲盧誇使氣刻燭闌成篇實藝皆

三捷虛名愧六聯錫為興闌猶舉白話靜每思玄更

說歸時好亭亭月正圓起

### 秋霖即事聯句三十韵

蕭索窮秋月蒼茫苦雨天泄雲生棟上行潦入庭

前若易遲苔色侵三徑波聲想五絃井蛙爭入戶

輟鮒亂歸泉起送上中高雷愁展坐空堦警夜眠

起送上中

鶴鳴猶未已蟻穴亦頻遷

禹錫送少傅侍郎

散漫踈還密

空濛斷又連竹露青玉潤荷滴白珠圓

居易

地濕灰

蛾滅池添水馬憐有苗霑露霏無月弄潺湲

起籬

菊潛開秀園蔬已罷鮮斷行隨鴈翅孤嘯聳鳶肩

鴈橋柱黏黃菌墻衣點綠錢單荒行藥路沙淀釣

魚船

居易

長者車猶阻高人榻且懸

此思劉白之言也

金烏

何日見玉爵幾時傳起近井桐先落常磨石款穿

趨風誠有戀披霧邈無緣

禹錫以答愚榻之句

廩米陳生醖

庖薪濕起烟鳴雞潛報曉急景暗彫年

居易

蓋洒高

松上絲繁細柳邊拂叢時起蝶墜葉乍驚蟬起巾

角皆爭墊裙裾別似前人多蒙翠被馬盡著連乾  
錫為好客無來者貧家但悄然寒泥印鶴跡漏壁路  
蝸涎易居蚊聚雷侵室鷗翻浪滿川上樓愁幕起遙  
舍厭起灑起律候今秋矣歡娛久曠焉但令高興  
在晴後奉周旋為

喜晴聯句

苦雨晴何喜喜於未雨時氣收雲物變聲樂鳥鳥  
知居易送蕙泛光風圍蘭開皎月池千峯分遠近  
九陌好追隨起送上白日開天路玄陰卷地維餘  
清在林薄新照入漣漪為碧樹涼先落青蕪濕更

滋曦毛經浴鶴曳尾出泥龜居易舞去商羊速飛來

野馬遲柱邊無潤礎臺上有游絲起橋淨行塵息

堤長禁柳垂宮城門睥睨觀闕麗果愚屬洛水澄

清鎮嵩烟展翠帷梁成虹乍見市散蟻初移居易籍

草風猶暖攀條露已晞屋穿添碧瓦墻缺召金鉏

起迥澈來斐日昏煩去西支霞文晚煥爛星影夕

參差禹錫禹樂助門庭肅寒摧草木衰黃乾向陽菊紅

洗得霜梨居易假蓋閑誰惜彈絲燥更悲散蹄良馬

穩炙背野人宜起洞戶晨輝入空庭宿霧披堆牀

出書日傾筓上衣施禹錫禹道路行非阻軒車望可期

無辭訪圭竇且願見瓊枝

居易

山閣蓬萊客

古以

蓬

萊儲宮羽翼師

此言

每優陪麗句何暇覲英姿

起

之酬圭竇

玩景方搔首懷人尚歛眉因吟仲文什高

興盡於斯

高錫

丁籤一百三十六

至一百四十一同卷

唐音統籤卷

五百四十五

袁不約字還朴長慶三年進士第辟成都李固言

幕官檢校侍郎詩一卷

唐志無宋志有

今存四篇

紀事云固言在

蜀不約與郎中李珣員外郭圖監察御史陳重書寄來擇從事薛重同在職稱一時運幕之盛

### 離家

步步遠晨昏悽心出里

一作獨出門

見烏唯有淚看一作

問鴈更傷魂宿酒寧辭

一作添愁

醉迴書諱苦言野人

應恹笑不解愛田

一作樂立園

### 送人至嶺南

度嶺春風暖花多不識名瘴烟迷月色巴路傍溪



聲畏藥將銀試防蛟避水行知君憐酒興莫殺醉  
猩猩

長安夜遊

鳳城連夜九門通帝女皇妃出漢宮千乘寶車珠  
箔捲萬條銀燭碧紗籠歌聲緩過青樓月香霏潛  
來紫陌風長樂曉鐘歸騎後遺簪隨珥滿街中

病宮人

一作張祐詩

佳人卧病動經秋簾幕繾綣不挂鉤四體強扶藤  
夾膝雙環痛整玉搔頭花顏有幸君王問藥餌無  
微待詔愁惆悵近來銷瘦盡淚珠時傍枕函流

句

愁聲秋遠杵寒色碧山歸

溪秋

送將歡笑去收

得寂寥迴客去

丁籤一百三十七

滕珣東陽人歷茂王傳太和初以右庶子致仕四  
品給券還鄉自珣始集卷亡

唐藝文志註

存詩一篇

釋奠日國學觀禮聞雅頌

太學時觀禮東方曉色分威儀何棣上環珮又紛  
紛古樂從空盡清歌幾處聞六和成遠吹九奏動  
行雲聖上尊儒樂春秋奠茂勲幸同陪齒列聊以

頌斯文

丁籤一百三十八

鄭澣餘慶之子貞元十年舉進士第累遷右補闕  
憲宗目為直臣文宗時為翰林學士帝使梓擷經  
史為要錄愛其博而精累進尚書左丞出為山南  
西道節度使召為戶部尚書未拜卒謚曰宣集三  
十卷

唐志有  
宋志無

今存詩四篇

和李德裕遊漢州房公湖二首

太尉留琴地時移重可尋徽絃一掩抑風月助登  
臨  
祭駐青油騎高張白雪音祇言酬唱美良史記

王箴

靜對烟波夕猶思棟宇清卧龍空有處馴鳥獨忘  
情顧步襟期遠參差物象橫自宜雕樂石爽氣際  
青城

中書相公任兵部侍郎日後閣植四松逾數  
年漸忝此官回獻拙什

丞相當時植幽襟對此開人知舟楫器天假棟梁  
材錯落龍鱗出櫺櫨鶴翅迴重陰羅武庫細響靜  
山臺得地公堂裏移根澗水隈吳臣夢寐遠秦嶽  
歲年推轉覺飛纓繆何因繼組來幾尋珠履迹願

比角弓培栢悅猶依社星高久照台後凋應共操  
無復問良媒

和李德裕房公舊竹亭聞琴

石室寒飈驚孫枝雅器裁坐來山水操絃斷吊遺  
埃

句

但慮彩色汚無虞臂胛肥

殿成式記長安善薩寺有画維摩變為俗講僧

文淑裝之筆跡盡矣故  
吳元節尚書題句云云

丁籤一百三十九

馮宿字拱之婺州人幼有文學貞元中登進士第

張建封辟徐州幕長慶初以刑部郎中知制誥太和初為河南尹歷工刑二部侍郎東川節度使文集四十卷宋志十卷今存詩二篇

御溝新柳

夾道天渠遠垂絲御柳新千條亘向日萬戶共迎春輕翠含烟發微音逐吹頻靜看思渡口迴望憶江濱裏二分遊騎依駐旅人陽和如可及攀折在茲辰

酬白樂天劉夢得

宿戶河南劉白以詩送目酬之

共稱洛邑難其選何章天書用不才遙約和風新

草木且令

雪靜塵埃臨岐有愧傾三省別酌無

辭醉百盃明歲杏園花下集須知春色自東來每春

嘗接諸公

杏園宴會

丁籤一百四十

李甘字和鼎長慶末進士擢第太和中官侍御史

鄭注求入中書甘唱于朝欲壞其麻事寢貶封州

司馬集一卷

唐宋志同  
哀李甘詩見本集

今存詩一篇

九成宮

中原無鹿海無波鳳輦鸞旗出幸多今日故宮歸

寂寞太平功業在山河

丁籤一百四十一

李放方字中虔登長慶進士第太和中為歙州刺

史詩一卷

宋志亡

今存七篇

大中時顧陶集唐詩類選叔稱敬方才力周倫

典此獨與前輩相近家集三百首簡梓律韻八篇茲七篇當是陶集流傳又已缺其一矣

遺興

果窺丹竈鶴莫羨白頭翁日月仙壺外筋骸藥臼  
中雲歸無定所鳥跡不留空何必勞方寸嶇嶠問  
遠公

勸酒

不向花前醉花應解笑人只憂連夜雨又過一年



春日日無窮事區區有限身若非盃酒裏何以寄天真

近無兩耗

一作李宣遠詩

遠戎兵壓境遷客淚橫襟烽堠驚秦塞縲囚困越吟自憐牛馬走未識犬羊心一月無消息西看日又沉

天台晴望

時左遷台州刺史

天

一作別

台十二句一片雨中春林果垂冬盡山苗

半夏新陽烏晴展翅陰晷夜飛輪坐與無雲物分明見北辰

聞高侍御卒貶所

西京高院長直氣似吾徒走馬論邊脩飛聲感廟  
謨官移人未察身沒事多符寂寞他年後名編野  
史無

太和公主還宮

二紀烟塵外淒涼轉戰歸胡笳悲蔡琰漢使泣明  
妃金殿更戎幄青祛換毳衣登車隨伴仗謁廟入  
中闈湯沐疏封在關山故夢非笑看鴻北向休詠  
鵲南飛宮髻憐新樣庭柯想舊圍生還侍兒少熟  
識內家綈鳳去樓角夜鸞孤匣掩輝應憐禁園柳

相見僂依依

汴河直進船

汴水通淮利最多  
生人為害亦相和  
東南四十里  
州地盡取脂膏  
是此河

丁籤一百四十二

唐音統籤卷

五百四十六

朱慶餘名可久以字行

品彙云一

越州人受知於

張籍登寶曆進士第而官不遷詩一卷

唐末今編

三卷

據言云慶餘遇張籍知音索其篇什數通吟

籍重名無不錄錄詠遂登科第初慶餘尚為謹

退作間意一篇以獻籍籍酬之有一曲敵萬金之

句自是詩名流於海內張治云元和中張水部

格雅不涉福體惟末慶餘一人觀披其音而項斯

不為水部所賞然則韓門諸人詩孤分異末慶餘

項斯以下為張籍之派姚合李洞方干而下則賈

島之孤也

五言律詩一

塞下曲

萬里去長征連年慣野營入群來擇馬拋伴去擒  
生箭撚雕翎調弓盤鵲角輕問看行近遠西過受  
降城

行路難

世事澆浮後艱難向此生人心不自足公道為誰  
平德喪淳風盡年荒蔓草盈堪悲山下路非祇客  
中行

閑居即事

溪嶂多幽景閑居野興清滿庭秋雨過連夜綠苔  
生石面橫琴坐松陰採藥行超然塵事外不似絆

浮名

山居

歸來青壁下又見滿籬霜轉覺琴齋靜閑從菊地  
荒山泉共鹿飲林果讓僧嘗時復收新藥隨雲過  
石梁

自述

詩人甘寂寞居處遍蒼苔後夜蟾光滿鄰家樹影  
來豈知蓮帳好自愛草堂開願答相思意援毫愧  
不才

假吟

雅道辛勤久，潛疑鬢雪侵。未能酬片善，難更免孤吟。  
有景皆帝思，無愁不到心。遙天一輪月，幾夜見西沉。

長安春日野中

青春思楚地，閑步出秦城。滿眼是岐路，何年見弟兄。  
烟霞裝媚景，霄漢指前程。盡日徘徊處，歸鴻過玉京。

湖中閑夜遣興

釣艇同琴酒，良宵背水濱。風波不起處，星月盡隨身。  
浦迥湘烟卷，林香嶽氣春。誰知此中興，寧羨五

湖入

泛溪

曲渚迴花舫生衣卧向風鳥飛溪色裏人語棹聲  
中餘卉絕分影新蒲自作叢前灣更幽絕難淺去  
猶通

鳳翔西池與賈島納涼

四面無炎氣清池濶復深蝶飛逢草住魚戲見人  
沉拂石安茶器移床選樹陰幾迴同到此盡日得  
閑吟

塗中感懷



世上利名牽塗中意慘然到家能幾日為客便經  
年跡似萍隨水情同鶴在田何當功業遂歸路下  
遙天

功業一作勤苦

### 塞下感懷

塞下閑為客鄉心豈易安程塗過萬里身事尚孤  
寒竟日風沙急臨秋草木殘何年方致主時拂劍  
塵看

### 春日旅次

林中鶯又嘯為客恨因循故里遙千里青春過數  
春弟兄來漸少歲月去何頻早晚榮歸計中堂會

所親

深一作營

旅中秋月有懷

久客未還鄉中秋倍可傷  
暮天飛旅鴈故國在衡陽  
島外歸雲迥林間墜葉黃  
數宵千里夢時見舊書堂

旅中過重陽

一歲重陽至羈遊在異鄉  
登高思舊友滿目是窮荒  
草際飛雲片天涯落鴈行  
故山籬畔菊今日為誰黃

宿江館

江館迢迢處知音信漸賒  
夜溪鄉夢覺窻下月明  
斜起鴈看荒草驚波尚白  
砂那堪動鄉思故國在  
天涯

宿山居

山店燈前客醉身未有媒  
鄉闕貧後別風雨夜深  
來上國求丹桂衡門長綠  
苔堪驚雙鬢雪不待歲  
寒催

望九疑

浮生猶役役未得便尋真  
白日如無路青山豈有  
人烟收遙岫小雨過晚川  
新倚杖何凝望中宵夢

往頻

過洞庭

帆挂狂風起  
茫々既往時  
波濤如未息  
舟楫亦堪疑  
旅雁捉孤島  
長天下四維  
前程有平處  
誰敢與心期

河亭

孤亭臨絕岸  
猿鳥識幽蹊  
花落曾誰到  
詩成獨未題  
潮痕經雨在  
石笋與杉齊  
謝守便登陟  
秋來屐齒低

夢謝亭

夢後何人見孤亭似舊時  
寨門誠得地冥感竟因  
詩不往過應少悲來下獨遲  
顧慙非謝客靈貺香  
難追

夏日題武功姚主簿齋

亭年無公事垂簾樹色間  
僧來茶竈動吏去印床  
閑傍竹行過巷當門立看山  
吟詩老不倦未省話  
官班

題胡氏溪亭

亭與溪相近無時不有風  
澗松生便黑野藪者多  
紅雨足秋聲後山沉夜色中  
主人能守靜略與客

心同

題任處士幽居

惜與幽人別停舟對草堂  
湖雲侵卧位杉露滴茶  
床山月吟時在池花覺後香  
生涯無一物誰與讀書糧

宿陳處士書齋

結茅當此地下馬見高情  
菰葉寒塘晚杉陰白石  
明向爐新茗色隔雪遠鐘聲  
閑得相逢少吟多寐不成

與賈島願非熊無可上人宿萬年姚少府宅

莫厭通宵坐貧中會聚難堂虛雪氣入燈在漏聲  
殘後思因生病常禪豈覺寒開門各有事誰不惜  
餘歡

雪夜與真上人宿韓協律宅

斜雪微霑砌空堂夜語清逆風聽漏短曲燭向樓  
明盥漱隨禪律謳吟得野情此歡那敢忘世貴文  
夫名

尋賈島所居

求閑身未得此日到京東獨在鐘聲外相逢雪色  
中誰言人漸老所向意皆同月上因留宿移床對

藥叢

與石畫秀才過普照寺

問人知寺路松竹暗春山潭黑龍應在巢空鶴未  
還經年為客倦半日與僧閑更共嘗新茗聞鐘笑  
語閒

同盧校書遊新興寺

山深雲景別有寺名堪過才子將迎遠林僧氣性  
和潭清蒲影定松靜鶴聲多豈不思公府其如野  
興何

重過惟負上人院



老去唯求靜都忘外學名  
掃床紗簟滿紫客遠煙  
生香閣閑留宿晴階暖  
共行窓西暮山色依舊入  
詩情

過蘇州曉上人院

夏滿律當清無中景自生  
移松不避遠取石亦親  
行經葉離時少繩床著處  
平若將林下比應只欠  
泉聲

題青龍寺

寺好因崗勢登臨值夕陽  
青山當佛閣紅葉滿僧  
廊竹色連平地蟲聲在  
上方最憐東面靜為近楚

城牆

題毗陵上人院

院深終日靜落葉覆秋蟲  
盥漱新齋後修行未老  
中映松山色遠隔水磬聲通  
此處宜清夜高吟永  
與同

夏日訪貞上人院

炎夏尋靈境高僧澹蕩中  
命綦隈綠竹盡日有清  
風流水離經閣閑雲入梵宮  
此時祛萬慮直似出  
塵籠

題娥皇廟

娥皇揮涕處東望九疑天往事難重問孤峯尚慘  
然夜溪寒峒響秋近碧蘿鮮未省明君意遺蹤萬  
古傳

望蕭關

漸見風砂暗蕭關欲到時兒童能探火婦女解縫  
旗川絕街魚鷺林多帶箭縻暫來戎馬地不敢苦  
吟詩

長城

秦帝防胡虜關心倍可嗟一人如有德四海盡為  
家往事乾坤在荒基草木遮至今徒者骨猶自哭

風沙

和處州嚴郎中遊南溪

四望非人境，從前洞穴深。  
潭清蒲遠岸，嵐積樹無陰。  
看草初移屐，捫蘿忽並簪。  
世嫌山水僻，誰伴謝公吟。

和劉補闕秋園寓興之什十首

閑園清氣滿，新興日堪追。  
隔水蟬鳴後，當簷鴈過時。  
雨餘槐穢重，霜近藥苗衰。  
不以一作似朝簪貴，多將野客期。

誰言高靜意，不異在衡茅。  
竹冷人離洞，天晴鶴出

巢溪籬藏白菊荒蔓露青匏  
我見中宵月清光墜  
樹梢

逍遙人事外杖屨入杉蘿  
草色寒猶在蟲聲晚漸  
多靜逢山鳥下幽稱野僧過  
幾許新開菊開從落  
葉和

留情清景宴朝罷有餘閑  
蝶散紅蘭外螢飛白露  
間牆高微見寺林靜遠分山  
吟足期相訪殘陽自  
掩闌

深齋嘗獨處詎肯厭秋聲  
翠篠寒逾靜孤花晚更  
明每因逢石坐多見抱書行  
入夜聽疎杵遙知耿

丁籤

一百四十二

朱慶餘

唐音統籤卷

五百四十七

五言律詩二

賀張水部員外拜命

省中官最美無似水曹  
郎前代佳名遜當時重姓  
張白鬚吟麗句紅葉吐  
朝陽徒有歸山意君恩未  
可忘

上汴州令狐相公

罷相思猶在那容處  
靜司政嚴初頌節名重更同  
詩公事巡營外戎裝拜勅時  
叅聞長興善應念出身遲

上張水部

出入門閭久兒童亦有情  
不忘將姓字常說向公卿  
每許連床坐仍容並馬行  
恩深轉無語懷抱甚分明

上江州李史君

起家聲望重自古更誰過  
得在朝廷少還同諫諍  
多經年愁瘴癘幾處遇恩波  
入境無餘事唯聞父老歌

孔尚書致仕

高人心易足三表乞身閑  
與世長疎索唯僧得往還

還直聲留閣下生事在林間時復逢清景乘車看  
遠山

贈江夏盧使君

詩人中最屈無與使君儔白髮雖求退明時合見  
收登山猶自健縱酒可多愁好是能騎馬相逢見  
鄂州

贈淮南書記李侍御

半似無名位門當靜處開人心皆向德物色不供  
才酒興春邊過軍謀意外來取名榮相府却慮詔  
書催



贈陳逸人

樂道辭榮祿安居桂水東得閑多事外知足少年  
中藥圃無凡草松庭有素風朝昏吟步處琴酒興  
誰同

贈律師院

粉壁通連徑扁舟到不迷葦聲過枕上湖色滿窓  
西但見修行苦誰論夏臘低閑看種來樹已覺與  
身齊

贈至寂禪師

處世唯披初禪門幾歲寒法空無所染性悟不多

看竟日門長掩相逢草自殘有時尋道侶飛錫度  
峯巒

贈道者

自識來清瘦尋常語論真藥成休伏火符驗不傳  
人獨有年過鶴曾無病到身潛教問弟子居處與  
誰鄰

贈道者

獨住神仙境門當瀑布開地多臨水石行不惹塵  
埃風起松花散琴鳴鶴翅回還歸九天上時有故  
人來

發鳳翔後塗中懷田少府

識君春末半意欲住經秋見酒聯詩句逢花蹶馬  
頭別來唯獨宿夢裏尚同遊所在求飧過無因離  
得愁

韓協律相送精舍讀書四韻奉寄呈陸補闕  
白鶴西山別更看上去船遙知尋寺路應念宿江  
烟到處無閑日迴期已隔年何回陪夜坐清論諫  
臣邊

題寄王秘書

唯求買藥價此外更無機扶病看紅葉辭官著白

衣斷籬通野徑高樹蔭鄰扉時復留僧宿餘人得  
見稀

閑居冬末寄友人

短亭分袂後倚檻思偏孤雨雪落殘臘輪蹄在遠  
塗人情難故舊草色易凋枯共有男兒事何耳入  
帝都

寄友人

當代知音少相思在此身一分南北路長問往來  
人是處應為客何門許掃塵憑書正惆悵蜀魄數  
聲新

秋宵宴別盧侍御

風亭絃管絕玉漏一聲新  
綠茗香醒酒寒燈靜照  
人清班無意戀素業本來貧  
明發青山道誰逢去  
馬塵

將之上京別淮南書記李侍御

此地偶相見語多為別難  
詩成公府晚路入翠微  
寒逢石自應坐有花誰共看  
身當隨去鴈雪盡到  
長安

留別盧玄休歸荆門

江邊離別心言罷各沾襟  
以我去帆遠知君離恨

淡雲開孤島出浪起白鷗沉更作來年約陽臺許  
伴尋

夏末留別洞庭知己

清秋時節近分袂獨凄然此地折高柳何門聽暮  
蟬浪搖湖外日山背楚南天空感迢迢事榮歸在  
幾年

送崔拾遺赴闕

清貌凌寒玉朝來拜拾遺行承天子詔去感主人  
知劍佩分班日風霜獨立時名高住不得非與九  
霄期

送于中丞入蕃冊立

上馬生邊思戎裝別衆僚  
雙旌啣命重空磧去程遙  
迥出沙中樹孤飛雪外鷗  
蕃庭過冊禮幾日却回朝

送李侍御入蕃

遠使隨雙節新官屬外臺  
戎裝非好武書記本多才  
移帳依泉宿迎人帶雪來  
心知玉關道稀見一花開

送壁州劉使君

王府登朝後巴香典郡新  
江分入峽路山見採樵

人舊業孤城夢生祠幾處身知君素清儉料得却  
來貧

送淮陰丁明府

之官未入境已有愛人心遣吏回中路停船一作舟

對遠林鳥一作島聲淮浪靜雨色稻苗深暇日公門

掩唯應伴客吟

送韋校書佐靈州幕

共知行處樂猶惜此時分職已為書記官曾校典  
墳寒城初落葉高樹遠生雲邊事何須問深謀祇  
在君



送韋繇校書赴浙東幕

丞相辟書新秋闋獨去人官離芸閣早名占甲科  
頻水驛迎船火山城候吏塵湖邊寄家久到日喜  
榮親

送盛長史從軍

莫辭東路遠此別豈閑行職處中軍要官兼上佐  
榮野亭楓葉暗秋水藕花明拜省期將近孤舟促  
去程

送滕庶子致仕歸江南

常懷獨往意此日去朝簪丹詔榮歸騎清風滿故

林諸侯新起敬遺老重相尋在處饒山水堪行慰  
所心

送石協律

貴歸吳興別業

識來無定居此去復何如一與耕者遇轉將朝客  
踈資身唯藥草教子但詩書曾許黃庭本斯言豈  
合虛

送祝秀才歸衢州

舊德穀溪上憶歸年已深學徒花下別鄉路雪邊  
尋騎吏陪春賞江僧伴晚吟高科如在意當日惜  
光陰

送吳秀才之山西

澤潞西邊路蘭橈北去人出門誰恨別投分不緣  
貧杯酒從年少知音在日新東湖發詩意夏卉竟  
如春

送崔秀才遊江陵

樽前荆楚客雲外思縈迴秦野春已盡商山花正  
開鷗鷺帆乍起虹見雨初來自有歸期在蟬聲處  
處催

送馬秀才

清貌不識睡見來嘗苦吟風塵歸省日江海寄家

心與鶴期前島隨僧過遠林相於竟何事無語與知音

送友人赴舉

世路久嗟君進取身十年雖苦志萬里託何人處困非爭道求名本為親惟應意先與化

龍鱗

送張景宣下第東歸

歸省值花時閑吟落第詩高情憐道在公論覺才遺春雨連淮暗官船過馬遲離心可惆悵為有入城期

送顧非熊下第歸

但取詩名遠寧論下第頻惜為今日別共受幾年  
貧聰兩宿吳寺過江逢越人知從本府薦秋晚又  
辭親

送人下第歸

獨立身難達新春與志違異鄉青草長故國白頭  
歸岸濶湖波濫程遙楚岫微高秋期再會此去莫  
忘機

送侶上人入秦

獨去何人見林塘共寂寥生緣間磬早覺路出塵

遙江雪沾新草秦園塔故條心知禪定處石室對  
芭蕉

送惠雅上人西遊

五湖櫓獨往此去興誰期興遠常憐鶴禪餘肯廢  
詩翠雲回寺晚為講到城遲還想安居日應當後  
夏時

送僧遊溫州

夏滿隨所適江湖非繫緣卷經離嶠寺隔葦上秋  
船水落無風夜猿啼欲雨天石門期獨往謝守有  
遺篇

送僧遊緡雲

但望青山去何山不是緣寺幽堪講律月冷稱當  
禪水落無風夜猿吟欲雨天尋師若有路終作緩  
歸年

送虛上人遊天台

青冥通去路誰見獨隨緣此地春前別何山夜後  
禪石橋隱溪樹朱闕見晴天好是修行處師當住  
幾年

送僧往台嶽

五城初罷講海上憶閑行觸雪麻衣靜登山竹錫

輕天寒嶽寺出日晚  
島泉清坐與幽期  
遇何人識此情

送僧

客行皆有為

一作求

師去是閑遊  
野望攜金策  
禪栖

寄石樓山溪松翠冷潭靜  
菊花秋幾處題青壁  
裂裂瀑流

送僧往太原謁李司空

已共鄰房別應無更住心中時  
過野店後夜宿寒林寺  
去人烟遠城連塞雪深  
禪餘得新句堪對上公吟



過孟浩然舊居

命合終山水才非不稱時  
冢邊空有樹身後獨無

兒散盡詩篇本長存道德碑  
平生誰見重應只是

王維

王士源孟集序云有子儀甫今云身後無兒豈後子又失歟

望早日

牕下聞雞後蒼茫吹遠林  
纔分天地色便禁虎狼  
心是處程塗遠何山洞府溪  
此時堪竚望萬象豁  
塵襟

中秋月

自古分功定唯應缺又盈  
一宵當皎潔四海盡澄

清靜覺風微起寒逼雪乍傾孤高稀此遇吟賞倍  
牽情

十六夜月

昨夜忽已過冰輪始覺虧孤光猶不定浮世更堪  
疑影落澄江海寒生靜路岐皎然銀漢外長有衆  
星隨

看濤

不知來遠近但見白峩峩風雨翻前駐魚龍逆上  
波聲長勢未盡曉去夕還過要路橫天漣其如造  
化何

早梅

天然根性異萬物盡難陪自古承春早嚴冬鬪雪  
開艷寒宜雨露香冷隔塵埃堪把依松竹良塗一  
處栽

題薔薇花

四面重

一作逸  
深重

條密浮陰入夏清綠攢傷手刺紅

墮斷腸英粉著蜂鬚膩光凝蝶翅明雨中看亦好

况復值初晴

王荆公百家詩選未集  
只取此篇未知何解

廢宅花

數樹荒庭上芬芳映綠苔自緣逢暖發不是為人

開色艷鶯猶在香消蝶已回  
相從無勝事誰向此  
傾杯

五言排律

杭州盧錄事山亭

山色滿公署到來詩景饒  
解衣臨曲榭隔竹見紅蕉  
清漏焚香夕輕嵐視事朝  
靜中看鎖印高處見迎潮  
曳履庭蕪近當身樹葉飄  
傍城餘菊在步入一僊瓢

和處州韋使君新開南溪

地里光園識樵人共說深  
悠然想高躅坐使變荒

岑疏鑿因殊舊亭臺亦自今  
靜客猿暫下閑與鶴  
同尋轉旆馴禽起褰帷瀑溜侵石稀潭見底嵐暗  
樹無陰躋險難通屐攀栖稱抱琴雲風開物意潭  
水識人心攜襜巡花遍移舟惜景沉世嫌山水僻  
誰伴謝公吟

送韓校書赴江西幕

從軍五湖外終是稱詩人  
酒後愁將別塗中遇却  
春山橋榭葉暗水館燕巢新  
驛舫相應遠京書寄  
自頻野情隨到處公務日  
閑身久共超名利龍鍾  
獨滯秦

省試晦日與同志昆明池泛舟

故人同泛處遠色望中明  
靜見沙痕露微思月魄  
生周回餘雪在浩渺暮雲平  
戲鳥隨蘭棹空波盪  
石鯨劫灰難問理島樹偶知名  
自省曾追賞無如此日情

震為蒼筤竹

為擢東方秀修然異衆筠  
青蒼纔映粉蒙密正含  
春嫩籜雪微兩幽根絕細塵乍憐分徑小偏覺帶  
煙新結實皆留鳳垂陰似庇人願為竿在手溪水  
掛潁鱗

丁籤

一百四十二

朱慶餘之三

唐音統籤卷

五百四十八

七言律詩

羽林郎

紫髯年少奉恩初  
直閣將軍盡不如  
酒後引兵圍  
百草風前駐旆  
領邊書宅將公  
主同時賜官與  
中郎共日除大  
笑魯儒年四十  
腰間猶未識金  
魚

歸故園

桑柘駢闐數畝間  
門前五柳正堪攀  
尊中美酒長須滿  
身外浮名好自閑  
竹逕有時風為掃  
柴門無事日常關  
於焉已是忘機地  
何用將金別買山

觀濤

未落霜飛天地清  
空江百里見潮生  
鮮魃出海魚龍氣  
晴雪噴山雷鼓聲  
雲日半陰川漸滿  
客帆皆過浪難平  
高樓晚望無窮意  
丹葉黃花繞郡城

南湖

湖上微風小檻涼  
翻翻菱荇滿廻塘  
野舫著岸入春草  
水鳥帶波飛夕陽  
蘆葉有聲疑露雨  
浪花無際似瀟湘  
飄然蓬艇東歸客  
盡日相看憶楚鄉

白蕭閣望臨洮

玉關西路出臨洮  
風卷邊沙入馬毛  
寺寺院中無



竹樹家<sub>上</sub>壁上有弓刀  
唯憐戰士垂金甲  
不尚遊人着白袍  
日暮獨吟秋色裏  
平原一望戍樓高

與龐復言攜酒望洞庭

南湖春色通平遠  
貪記詩情忘酒杯  
帆自巴陵山下過  
雨從神女峽邊來  
青蘋映水疎還密  
白鳥翻空去復回  
盡日與君同看望  
了然勝見畫屏開

唐中丞開淘西湖夏日遊泛因書示郡人

萍岸新淘見碧霄  
中流相去忽成遙  
空餘孤嶼來詩景  
無復橫槎礙柳條  
紅旆路幽山翠濕  
錦帆風起浪花飄  
共知浸潤同雷澤  
何處川源有旱苗

吳興新隄

春隄一望思無涯  
樹勢還同水勢斜  
深映菰蒲三十里  
晴分功利幾千家  
謀成既不勞人力  
境遠偏宜隔浪花  
若與青山長作固  
汀洲青恨柳條遮

題章正字道正新居

孝標

獨在御樓南畔住  
生涯還似舊時貧  
全無竹可侵行徑  
一半花猶屬別人  
吟處不妨嫌鼓鬧  
眼前唯稱與僧鄰  
近來漸覺青莎巷  
車馬過從已有塵

題王丘長史宅

更無人吏在門前  
不似居官似學仙  
藥氣暗侵朝

服上花陰晚到簿書邊玉琴閑抱看山坐箇簾長  
鋪與客眠時見街中騎瘦馬低頭只是為詩篇

題崔駙馬林亭

選居幽近御街東易得詩人聚會同白練鳥飛深  
竹裏朱絃琴在亂書中亭開山色當高枕樓靜簫  
聲落遠風何事宦塗猶寂寞都緣清苦道難通

題錢宇別墅

林居向晚競清景惜去非閑戀酒杯石淨每因杉  
露滴地幽漸覺水禽來藥蔬秋後供僧盡竹杖吟  
中望月回紅葉閒飄籬落迴行人遠見草堂開

題開元寺

西入山門十里程粉牆書字甚分明  
蕭帝壞陵溪虎跡廣師遺院閉松聲  
長廊画剝僧形影石壁塵昏客姓名  
何必更將空色遣眼前人事是浮生

上翰林李舍人

記得早年曾拜識便憐孤進賞文章  
免令汨沒慙時輩興作聲名徹舉場  
一自鳳池承密旨今同世路接餘光  
雲泥雖隔思長在縱使無成也不忘

上翰林蔣防舍人

清重可過知內制從前禮絕外庭人  
看花在處多

隨駕召宴無時不及句馬自賜來騎覺穩詩緣得  
後意長新應憐獨在文場久十有餘年浪過春

上宣州沈大夫

科名繼世古來稀高步何年下紫微帝命幾曾移  
重鎮時情猶望頤春闈登朝舊友常思見開幕賢  
人併望歸今日得遊風化地却回滄海有光輝

贈韓協律

永日微吟在竹前骨清唯愛漱寒泉門閑多有投  
文客身病長無買藥錢崩寺聽猿頻獨宿湖亭避  
宴勤經年親知盡惟疎榮祿的是將心暗學禪

送浙東陸中丞

坐將文教鎮藩維，化滿東南聖主知。  
公務肯容私暫入，豐年長與德相隨。  
無賢不是朱門客，有子皆如玉樹枝。  
自愛此身居樂土，詠歌林下日忘疲。

送饒州張使君

白頭為郡清秋別，山水南行豈覺賒。  
楚老已一作只應忍入境，吳兒從此去移家。  
館依高巖分樟葉，路出重江見葦花。  
務退唯當吟詠苦，留心曾不在生涯。

送邵州林使君

軒車此去也逢時地近湘南頗入詩一月計程那  
是遠中年出守未為遲水邊花氣薰章服嶺上嵐  
光照画旗想得化行風土變州人應為立生祠

送浙東周判官

久聞從事滄江外誰謂無官已白頭來備戎裝嘶  
數騎去持丹詔入孤舟蟬鳴驛樹殘陽遠鷺起潮  
一作湖田片雨秋到日重陪丞相宴鏡湖新月在城  
樓

送劉思復南河從軍

七千里別寧無恨且貴從軍樂事多不駐節旄先

候發偶逢山寺亦難通蠻人獨放畬田火海獸群  
遊落日波遠作受恩身不易莫拋書劍近笙歌

送長安羅少府

科名再得年猶少今日休官更覺賢去國已辭趨  
府伴向家還入渡江船雪晴新鴈斜行出潮落殘  
雲遠色鮮在處若逢山水住到時應不及秋前

送李餘及第歸蜀

從得高科名轉盛亦言歸去滿城知發時誰不開  
筵送到處人爭與馬騎劍路紅蕉明棧閣巴村綠  
樹蔭神祠鄉中後輩遊門館半是來求近日詩



送崔約下第歸淮南親省

遠憶拜親留不住出門行計與誰同  
程塗半是依船上請謁多愁值雨中  
堰水靜連隄樹綠村橋時  
吹野花紅迴期須及來春事莫便江邊逐釣翁

送羅先輩書記歸後却還閩中留別

同是越人從小別忽歸鄉里見皆驚  
湖邊訪舊知誰在幕下留帷但覺榮  
望賸又生紅槿思登車豈  
倦白雲程況當季父承恩日  
應問南州政已成

送竇秀才

江南才子日紛紛少有篇章得似君  
清話未同山

寺宿離歌已向客亭聞  
梅天馬上愁黃鳥澤國帆  
前見白雲通籍名高年  
又少回頭應咲晚從軍

送元處士遊天台

青冥路口絕人行獨與僧期  
上赤城樹列烟嵐春  
更好溪藏冰雪夜偏明  
空山雉雉禾苗短野館風  
來竹氣清若過石橋看瀑布  
不妨高處便題名

哭胡遇

尋僧昨日尚相隨忽見緋幡  
意可知題處舊詩休  
更讀買來新馬憶曾騎  
不應隨分空營奠終擬求  
人與立碑每向宣陽里中  
過遙聞啼哭淚先垂

過舊宅

古巷戟門誰舊宅  
早曾聞說屬官家  
更無新燕來巢屋  
惟有閑人去看花  
空廡欲摧塵滿櫺  
小池初涸草侵沙  
榮華事歇皆如此  
立馬踟躕到日斜

台州鄭員外郎齊雙鶴

丹頂分明音響別  
況聞來處隔雲濤  
晴懸碧落飛何晚  
立清池意自高  
向夜雙栖驚玉漏  
臨軒對舞拂朱袍  
仙郎為酒開籠早  
莫慮回翔損羽毛

七言排律

酬蕭員外見寄

麥風吹雨正徘徊忽報書從郡閣來  
道蕓謬應宗伯選詩成徒費謝公才  
九霄示路空知感十載驚魂尚未回  
勝寄重客溪館宿龍鍾慙見妓筵開  
儻期儕後陪新興一滴還須當一杯

五言絕句

陪江州李使君重陽宴百花亭

開攜九日酒共到百花亭  
醉裏求詩境回看島嶼青

宿道士觀

堂閑仙人影空壇月露初閑  
聽道家子盥漱讀靈

書

杭州送蕭寶校書

馬識青山路人隨白浪船別君猶有淚學道謾經年

送陳標

滿酌歡僮僕相隨卽馬蹄春風一作花時慎行李莫上白銅鞮

酬李侍御躔天長路別後寄詩

此去非關興君行不當遊無因兩處馬共飲一溪流

別李侍御驪後亭夜坐却寄

已作亭下別未忘燈下情吟多欲就枕更漏轉分明

七言絕句

宮詞

竊訝花時閉院門美人相並立瓊軒含情欲說宮  
中事鸚鵡前頭不敢言

王弼州云此非也正  
當托鸚鵡言之耳

公子行

閑從結客冶遊時忘却紅樓薄暮期醉上黃金堤  
上去馬鞭梢斷綠楊絲

采蓮

隔烟花草遠濛濛  
眼箇來時路不同  
正是停桡相  
遇處  
鴛鴦飛去急流中

嶺南路

越嶺向南風景異  
人人傳說到京城  
經冬來往不  
踏雪盡在刺桐花下行

都門曉望

綠槐花墮御溝邊  
步出都門兩後天  
日暮野人耕  
種罷  
烽樓原上一條烟

登玄都閣

野色晴宜上閣看，樹陰遙映御溝寒。  
豪家舊宅無人在，空見朱門鎖牡丹。

尋古觀

仙觀曾遙知不遠，花藏石室杳難尋。  
泉邊白鹿聞人語，看遍仙壇漸入林。

舜井

碧甃磷磷不記年，青蘿鎖在小山顛。  
向來下視千山水，疑是蒼梧萬里天。

題仙遊寺

石抱龍堂藓石乾，山遮白日寺門寒。  
長松瀑布饒



同友人看花

尋花不問春深淺，縱是殘紅也入詩。  
每箇樹邊行一匝，誰家園裡最多時。

商州王中丞留喫枳殼

方物就中名最遠，只應愈疾味偏嘉。  
若教盡吃人，人與采盡商山枳殼花。

咏木兒

丁丁向晚急還稀，咏遍類詩一作庭槐未肯歸。  
終日與類詩一作君除靈害莫嫌一作無事不頻飛。